

QVÆSTIO MEDICA.

QVODLIBETARIIS DISPUTATIONIBVS

MANE DISCVTIENDA IN SCHOLIS MEDICORVM,

die Mercurij, xx. Decembris,

M. IOANNE FORESTIER.

DOCTORE MEDICO, MODERATORE.

An contumacibus morbis ex Stibio purgatio?



CONTUMACIUS morbus non vnus est generis; nam & acutus eiusmodi esse potest, si non frangatur remediis; & qui naturâ longus est, vulgò contumax dicitur. Quid autem facit morborum contumaciam? naturæ imbecillitas, morbifici humoris plenior copia, vel maligna vis ab eximiâ putredine exortâ, & quæ à cruditate venit pigrities: augent & alunt contumaciam absurda victus ratio, & intempestiuus remediorum vsus; anni etiam tempestas, cæli status, soli natura, consuetudo aliquid faciunt: sic non vna esse potest omnium contumacium morborum medicina; quorum vt varia & multiplex natura est, ita penè infinitus est remediorum numerus. Nunc addendæ cibis vires, nunc mutanda mala temperies, nunc exhaustiendæ venæ, aliquando viscera; vincenda putredo, excoquenda cruditas, coercenda gula, interdicens alienis remediis; denique cum praua consuetudine, cæli iniuriâ, infestoque soli genio pugnandum est: vt non satis videant, qui, omisiss cæteris auxiliis, omnia putant in sola purgatione collocanda.

PURGANTIVM genus omne duplex est; quorum alterum verè hoc nomen vsurpat; humores enim excernendos eligit: alterum improprie sic appellant; nam quicquid ipsi occurrit, sine delectu secum abripit: huius duæ etiam censentur species; vel enim solâ acrimoniâ laceffit partes, in quas venit, & ab ipsis vnâ cum aliis humoribus alienâ cum perturbatione deuoluitur, vel suo ingenio noxum inimicas vires effundit quaquaversum,

Ediio secunda 1647.

A

halatque pestem per omnes quasi portas corporis, grauiter afflictâ naturâ prorupturam. Ab hac purgantium specie, quouis in morbo, bene prudens Medicus semper abstinuerit, multò magis in contumaci, quando purgationis vsus est: quippe feroce immitemque humorem, & tamdiu remediis obluçantem demulcere potius, quàm furiare conuenit; neque solùm venenata, & noxia vitare oportet, verumetiam quælibet perturbantia vehementer reformidare, summa Medicorum solertia sit, ægrorumque securitas.

STIBIVM adscripsit purgantibus posterior Medicorum ætas, haud satis scaurè: nam venenum est, ed nocentius, quo magis excoctum est; adeo humores & spiritus toto corpore inquinat, & dira tæbe partes exedit: cum autem hæc ferè sit omnium metallicorum fors, vt hausta valdè noceant, etiam quæ exteriori in corpore adhibita proficiunt, omnium tamen Stibium ferè perniciosissimum est, æternamque labem inurit visceribus, nullis detergendam antidotis: quin paucissimum, exitiale est; neque vlla arte fieri potest, vt, depositâ venenatâ vi, solam vacuatricem retineat; hoc etiam facit ad vacuationem, quod venenum est. Scilicet acceptum stomacho, vt primum concaluit, pestifero halitu, contactuque incestat omnia: hinc naturæ pugna cum eo est, rem noxiam deturbare connitentis, quacunque patet exitus, non solùm vomitu, secessu; & vrinis, sed aliquando etiam hæmorrhagia breui perditura sic purgatos. Felicesne quorum vitæ pepercit? an feliciores quos morborum, & grauioribus reliquæ vitæ molestiis celebriore fato exemit?

EX Stibio purgare veneficorum primam artem fuisse credibile est; vt, specie remedii, mercede conducti homines impune trucidarent: arrisist tamen delicatis ægriscadem, sed non intellecta ratio; quia iucundo sapore fallebat, neque omnes statim occidebat medicamentum. Incautos interea Medicos sollicitauit spes famæ fortunæque melioris, vt æmuli fierent turpium agyrtarum vel fraudis vel erroris: hinc exorti, quos nuper ille vocabat, insoutes venefici, qui gustus seruirent deliciis, & in contumacibus morbis, ne quid inexpertum relinquerent, etiam venena propinarent, quasi in humano corpore cum vitiosis humoribus commoritura. At Stibium nunquam sese exiit, &, vt cunque valeant hominis vires, vel in posterum nocet, non hos illosve humores in corporibus optat, quos secum auferat, sed omnia permiscet, conturbat, fœdat: vt in cholera nullo solatio plurimum deiicitur, evomiturque, sic ex Stibio purgatio nunquam leuat: casus est quidam exacerbati morbi, quò non interire, tam salus est ægrotanti, quàm latroni viator vitam debet, à quo gravem aliquam, sed non vltimam plagam accepit.

CONTVMAX morbus Epilepsia, quàm breui obducto Stibio delirtura est in Apoplexiam; & ipsam vltimam rerum lineam homini futuram! quid sopor? quàm facilè sic coercitus suo locum dat consanguineo? pertinacem etiam inuictumque lateris dolorem, pulmonisque morbum

An contumacibus morbis ex Stibio purgatio?

quàm saepe atroci morte commutavit Stibium ? nihil tabe contumacius ;
at nullum ei venit à Stibio auxilium , sed potius præceps incluctabilisque
perniciës : caneros verò vt irritat ! vt qualescunque ventris dolores , seu
certo , seu incerto tempore redeuntes , ingeminat , lethalesque reddit ! vt
rheumaticos interficiendo dilaniat ! febribus quidem continuis adversissi-
mum ; ad tollendas intermittentes nefariè commendatur . Heu quoties fe-
bris intermittens , ostentatâ spe certâ salutis , longinquitate tamen gravis ,
& Stibio digna credita , ab eo malè multata , cum ipsomet ægrotante mille
confecto doloribus , extincta est ! quid enim ? nulli vel leviori morbo
datur , quo non graviores creet : eò verò semper duriora contingunt om-
nia , quo ferocior humor est , qui morbum excitavit : qualis est contuma-
cium morborum parens , quæ Stibium mirificè exagitat accenditque ma-
gis , & , cum reliquis toto corpore humoribus , teterrimè venenat . Quod
vidit olim Schola Parisiensis , cuius autoritatem Senatus ipse secutus iu-
dicavit , veneficij arcessendos fore , quicumque illatibili isto medicamento
ad purgationem abuterentur

Non ergo contumacibus morbis ex Stibio purgatio.

Proponebat Lutetiæ PETRVS REGNIER,
Parisinus, Anno R. S. H. M. DC. XLV.

DOMINI DOCTORES DISPUTAVRI.

M. Petrus le Mercier.	M. Mathurin Deniau.	M. Philippus Harduinus de
M. Claudius Guerin.	M. Franciscus le Vignon.	Saint Jacques.
M. Petrus Yuelin, Med.	M. Petrus Legier.	M. Helias Ecda.
Reg. & Regina ordin.		M. Franciscus des François.

*cette thèse est la 948^{te} de la 6^{te} VI
du recueil in-folio.*